

Te taata loa, e ere te Tavana e te haava, o tei haava e te hoe hohoa o tei en i vea, au fau mai ia e 3 farane no na avae etorn.

Faanu mai ia Tepito te nei parau i Papeete.

TE VEA NO TAHITI.

Ei haaparare raa i te parau rii api e faufaa hia i te mau fenua i roto i te Hau Tamaru; e neia i te mau mahana maha loa.

O te feia hoo taia, e te mau taata e haapao i te tani raa taia, e tia ia ia nenei atoa hia ta ratou mau parau faaite i roto i remei Vea, ia au fau mai ratou 1 farane no te remi hoe.

Faanu mai ia Tepito te nei parau.

PAEAU PARAU NO TE HAU.

HAAVA RAA A TE MAU TOOHITU.

E te Tavana, te Auvaha o te Emepera.

IA ORA NA OE.

Te faaite atu nei matou ia oe i te ohipa ta matou i rave i teienei mahana 20 no Me 1853. Te peho taatoa ra o Vaifau, ua oti aenei ia matou e te parau atoa a te mau ite, o te faa-horeo hia i roto i te ture XXXI, i te paeau n, i te irava 9, ua haapao matou i te parau a te mau ite, Outuroa, Ototo; ua hopoi matou na Vaiaau vahine, e ua faaere matou ia Apra i taua peho ra, ua oti roa ia matou i roto i teienei fare toroa.

Te faaite atu nei matou ia oe i te ohipa ta matou i rave i teienei mahana 20 no Me 1853. Te fenua ra o Tetiara, o tei maro hia e Paepahu raua o Pani, e tupuna to Paepahu e parahi tau to Pani tumu. Ua imi matou i ta raua tau parau, e ua hope i te imi hia e matou, ua ui matou i te mau ite, o Faretiatia, Huaru, Tiaraatoru; ua parau anae mai ratou e, no Pani mau teienei fenua. Ua haapao matou i te ture XXXI, e te paeau n, e te irava 9, ua faaere matou ia Paepahu i taua fenua ra e ua hopoi matou no Pani e te miti atoa. Ua oti roa ia matou.

Te faaite atu nei matou i te ohipa ta matou i rave i teienei mahana 21 no Me 1853, te fenua ra o Paepaetuaturua, o tei maro hia e Tiaraatoru raua o Paete, ua imi matou i ta raua tau parau e ta te mau ite atoa, ua faaite papu mai te mau ite e, no Vaiho mau. Ua horoa matou i taua fenua ra no Vaiho.

Te faaite atu nei matou ia oe i te ohipa ta matou i rave i teienei mahana 23 no Me 1853. Te Apoo ra o Vaiau, o tei maro hia e Tematabiapo raua o Oteote. Ua ui matou i te mau ite, teie ta ratou parau e, na Tematabiapo mau. Teie na ite i faahoreo hia, o Tiimaiau, Taharai, Taitorea, Tiji, Patu. Ua haapao hia e matou teienei mau ite i roto i te ture XXXI, e te irava 9. Ua hopoi matou na Tematabiapo e ua faaere matou ia Oteote.

Te faaite papu atu nei matou ia oe e, ua imi maite hia aenei e matou te fenua a te haava ra o Hota, i te ohipa i oti i te mau Toohitu i te fenua ia Paohé e te peho sei o Tuituitatoa e ua hinaaro oia e, e tuu i rapae, no te mea ra e, e

feia rahi roa te ite, o tei parau anae mai e, na Tavi mau. I te atara matou e, e fenua oti man a ia matou, ua fapa roa taua taata ra o Hota; teie te ita o te mau ite i faahapa iana, Teo, Piro, Farane, Paahue vahine, e Ai tane. Ua oti roa teienei mau ohipa atoa ia matou i roto i teienei fare toroa.

Te mau Toohitu :

Papahia, TAAMU, NUTERE, TARRUI, HAEREOTAHU, TAIRAPA, peretiteni, MARE, auvaha ture, VAMA, papai parau.

NO TE MAU HAAPHI RAA.

Te faaite hia nei ma te poupon rahi, e te haere maite nei te tamarii i roto i te haapii raa i te rahi raa. I roto hoi i te haapii raa i Papaoa ra, 122 ia tamarii. E tapao ia e; te haere maite nei te hinaaro paari e te haapao maitai, i te aano raa. E peapea rahi roa hoi te teienei hau, e e o to rahi tona, i te pohe raa o M. Fergus (Maita). E haamano maitai iho ra te mau tavana, te mau haava, e te feia haapii tamarii, e e tia noa i te Tavana, te rapaau i taua ati rahi no tatou ra. Aita roa te taiara i faatarava hia e Maita ra i horoi hia; te vai noa mai nei a ra, o e pee maite hia ia tei reira. Te tia nei hoi i te hau i teienei, te tauturu rii atu i te mau haapii raa toa; a rau aenei hoi orometua haapii tamarii, i tii mai i te ofai, te peni, te tui, te inita e te pepa no ta ratou mau haapii raa, e te parau rii taio raa toa hoi. E haamano atoa hoi te mau iriti ture atoa, e o te maitai o te fenua nei teie e imi hia nei, ia paari te ui api, ia nehenehe a muri atu; e eiaba ratou e haameromere noa e i te imi raa e te faatia raa i te ture, e taa maitai ai, e e itoitaitaitai ai te mau haapii raa o te fenua nei. E tiatiri raa maitai to tatou i nia i te maitai o te fenua nei a muri atu, fanao atoa tura tatou i te faaltoito raa i tei reira.

Ua faaite hia tu hoi te feia toa e taio i teienei VEA, e e faaite maite hia tu ratou, ia tae mai te taia api, e te nehenehe ra. I teienei ra, te faaite hia tu nei te taata toa e, e taia api teie i tae mai nei, o tei hau e roa i te nehenehe e te unauna. Na Rarai taua taia i roa a mai nei; ua ite hia hoi oia, e ua au hia e to Tahiti atoa nei. E mahere te mau vahine no Tahiti nei, i te faahiahia roa i, te hio raa i tana mau ahui api mai Faranimai ra; e mea nehenehe anae, e te huru

546 628
maitatai; e te hoo hia nei e to Tahiti nei, mai te tuutuu ore. E mbere eita'eroroa rea, ua pau roa.

Raverahi te mataeinaa i haponu mai nei i te raufara; poupu roa tura hoi te aau i te hoi raa i te puai e te itoitō o taua mau mataeinaa ra, i te saatia raa i te saae raa a te tavana; e itoitō rahi atoa hoi to te mau tavana e te mutoi i te rave atoa raa i taua ohipa ra. O to Punaauia na tei tae mai, e i muri ae, to Papaoa ia e to Faaa. Aore ā to Hitiaa, to Tiarei, e to Māhaena i tae mai, no te mea, tei te atea e taua mau mataeinaa ra, e na te mau pahi rii hoi a te hau e tii atu i taua rauoro na ratou ra. Ua ineine atoa hoi ta to Paea.

Teie mai nei te pahi i ra o Tahiti, i na Tiarei mai nei, e ua uta mai i na ufi hōe tauatini, no roto i te āua hau o taua mataeinaa ra.

Teie te rahi raa o te mau poti i hōe mai i Papeete nei, mai roto mai i te mau mataeinaa i Tahiti e Moorea, i te avae ra no Me, tei utā mai i te maa, te puaa, e te ia i Papeete nei.

TO TAHITI.

Papeete. . . .	0 poti opani,	1 poti oroe.
Papeuriri. . .	1 »	1 »
Tautira	9 »	0 »
Pueu	4 »	0 »
Hitiaa	0 »	6 »
Tiarei.	1 »	2 »

TO MOOREA.

Papetoai. . . .	6 »	5 »
Moruu	2 »	2 »
Kaumi.	2 »	0 »
Teavaro	4 »	0 »
Tcaharoa . . .	4 »	3 »

Ia amui hia ra. . 33 poti opani, 20 poti oroe.

Inaha, e pae ahuru ma toru atoa poti, i uta mai i te maa i Papeete nei i teienai avae; e tapao ia e, te itoitō ra te taata, e te imi ra i te ravea e taoa hia i ratou.

Ua rahi roa toa hoi te ia i uta hia mai e to

Moorea, e to te mau mataeinaa rii e fatata mai i Papeete nei. E rohi ā ra e tia, eiaha e fia i tei reira mau ohipa maitatai, no te mea, e moni rahi roa te roa nei i te fatu o taua mau maa toa ra.

I te mahana 6 o teienai avae, o Tinnu nei, e tapoi roa hia i, e e pōiri ai te mahana. E itea maitai hia taua pōiri raa ra i Papeete, e i Tahiti atoa hoi, e Moorea. Aore ā hoi tei reira peu i itea ionei, e inaha, e tau matabiti maoro aenei tei mairi. Ei te hōra 7 e te afa e haamatai te tapoi ra hia o te mahana, e i te hōra 10 e e 8 minuti e pee ai. E ore hoi e rahi roa te pōiri o taua mahana ra, e hura uteute rii māheahea hia ra te mahana, e tapoi hia hoi oia e te ava e, o te tere na ropu mau i te ao nei e te mahana.

Teie mai te rauoro a to Paea, i nanahi i uta hia mai. Ua itea noa hia hoi e, e vahi maoro atoa tei reira; no te rahi ra hoi o te itoitō o te tavana mataeinaa e te hui-raatira, uta hia mai nei taua rauoro ra e ratou iho, na nia i te poti oroe.

Te mau pahi i tapae mai, mai te mahana 27 mai a no Me.

Tira piti o te Hau Nuuhiva, tomana Boulange, mai Matuita mai.

Tira piti farani o Adèle, tapena Daguet, mai Valapāraiso mai.

Tira piti o te Hau Papeete, tomana Bigrel, mai Maatea mai.

Te mau pahi i reva.

Tira piti o te Hau o Hydrographe, tomana Parchappe, ua reva i Paumotu.

Tira piti beretane o Emily Hort, tapena Sustainance, ua reva i Rapa.

Te eē no te Tavana : BRIOT.